

ДОМ НАРОДА

DOM NARODA

ПРЕДСТАВНИЧКИ ДОМ

PREDSTAVNIČKI DOM  
ZASTUPNIČKI DOM


Комисија за избор и праћење рада  
Агенције за превенцију корупције и  
координацију борбе против корупције

Komisija za izbor i praćenje rada  
Agencije za prevenciju korupcije i  
koordinaciju borbe protiv korupcije

Povjerenstvo za izbor i praćenje rada  
Agencije za prevenciju korupcije i  
koordinaciju borbe protiv korupcije

Број: 05/8-50-14-218-10/13

Sarajevo, 20. 3. 2013.



PARLAMENTARNA SKUPŠTINA BiH

Predstavnički dom PSBiH

n/r članova Kolegija Predstavničkog doma

**PREDMET: Izvještaj s Javne rasprave o Prijedlogu zakona o izmjenama i dopunama Zakona o Agenciji za prevenciju korupcije i koordinaciju borbe protiv korupcije**

U skladu s članom 116. Poslovnika Predstavničkog doma Parlamentarne skupštine BiH („Službeni glasnik BiH“, br. 33/06, 41/06, 81/06, 91/06, 91/07, 87/09 i 28/12), u prilogu Vam dostavljamo Izvještaj s Javne rasprave o Prijedlogu zakona o izmjenama i dopunama Zakona o Agenciji za prevenciju korupcije i koordinaciju borbe protiv korupcije.

S poštovanjem,



Dostavljeno:

- naslovu
- a/a

## I Z V J E Š T A J

### **s Javne rasprave o Prijedlogu zakona o izmjenama i dopunama Zakona o Agenciji za prevenciju korupcije i koordinaciju borbe protiv korupcije**

U skladu sa zaključkom sa 41. sjednice Predstavničkog doma Parlamentarne skupštine BiH, održane 31. 1. 2013., te zaključkom s 9. sjednice Komisije za izbor i praćenje rada Agencije za prevenciju korupcije i koordinaciju borbe protiv korupcije, održane 15. 2. 2013., u Sarajevu, u zgradi Parlamentarne skupštine BiH, 5. 3. 2013. održana je Javna rasprava o Prijedlogu zakona o izmjenama i dopunama Zakona o Agenciji za prevenciju korupcije i koordinaciju borbe protiv korupcije.

Javna rasprava održana je u organizaciji Komisije za izbor i praćenje rada Agencije za prevenciju korupcije i koordinaciju borbe protiv korupcije.

U Javnoj raspravi učestvovali su članovi Komisije za izbor i praćenje rada Agencije za prevenciju korupcije i koordinaciju borbe protiv korupcije, poslanici i delegati Parlamentarne skupštine BiH, rukovodstvo Agencije za izbor i praćenje rada Agencije za prevenciju korupcije i koordinaciju borbe protiv korupcije, predstavnici Ministarstva sigurnosti BiH, međunarodnih organizacija u BiH, nevladinog sektora u BiH, te predstavnici Sekretarijata Parlamentarne skupštine BiH, kako slijedi:

- Dušanka Majkić, Borjana Krišto, Mirsad Abazović, Beriz Belkić, Niko Lozančić i Milorad Vulić, članovi Komisije za izbor i praćenje rada Agencije za prevenciju korupcije i koordinaciju borbe protiv korupcije,
- Nermina Zaimović – Uzunović, Ismeta Dervoz, Mato Franjičević i Šemsudin Mehmedović, poslanici u Predstavničkom domu Parlamentarne skupštine BiH,
- Mehmed Bradarić i Martin Raguž, delegati u Domu naroda Parlamentarne skupštine BiH,
- Sead Lisak, direktor, te Sreto Pekić i Dragan Slipac, zamjenici direktora Agencije za prevenciju korupcije i koordinaciju borbe protiv korupcije,
- Tomislav Ćurić, Ministarstvo sigurnosti BiH,
- Richard Wood, Elisabet Tomasinec, Sanja Stanojević, Eric Frejabue i Dragana Gluhović, EUSR,
- Rebeca Mc Allan, Earnian Naughtone, Šejla Bektašević i Jasna Dragičević, Misija OSCE-a u BiH,
- Christian Haupt, USAID-ov Projekat jačanja parlamenata u BiH,
- Ivana Marić, Fondacija „Konrad Adenauer“,
- Igor Marić, „Udruženje građana Tender“,
- Bojan Bajić, „COD Luna“,
- Višnja Marilović, „Uzbunjivači u BiH“,
- Denis Hadžović, „Centar za sigurnosne studije“,

- Srđan Blagovčanin, „Transparency International“
- Lejla Kablar, „Vanjskopolitička inicijativa BiH“,
- Milica Dalagija, „Kyodo CDC“,
- Dženana Alađuz, „Udruženje Infohouse – Mreža Account“,
- Vehid Šehić, „Forum građana Tuzle“
- Zoran Brkić, Sektor za odnose s javnošću Sekretarijata Parlamentarne skupštine BiH,
- Aida Kreho i Alma Salkić – Mijić, Zakonodavno-pravni sektor Parlamentarne skupštine BiH, te
- Jovica Katić, privremeni sekretar Komisije za izbor i praćenje rada Agencije za prevenciju korupcije i koordinaciju borbe protiv korupcije.

**Dušanka Majkić**, predsjedavajuća Komisije za izbor i praćenje rada Agencije za prevenciju korupcije i koordinaciju borbe protiv korupcije (u daljnjem tekstu: Komisija), u uvodnim napomenama upozнала je učesnike Javne rasprave s razlogom njenog održavanja, u skladu sa zaključcima sa 41. sjednice Predstavničkog doma Parlamentarne skupštine BiH i s 9. sjednice Komisije za izbor i praćenje rada agencije za prevenciju korupcije i koordinaciju borbe protiv korupcije. U uvodnim napomenama je, također, ukratko upozнала učesnike Javne rasprave s razlozima kojima se Komisija vodila kada je upućivala ovaj prijedlog zakona u parlamentarnu proceduru, te navela da je Komisija tokom cijelog ovog perioda obavila široke konsultacije s predstavnicima EUSR-a o Prijedlogu zakona o izmjenama i dopunama Zakona o Agenciji za prevenciju korupcije i koordinaciju borbe protiv korupcije (u daljnjem tekstu: Prijedlog zakona).

Učesnicima Javne rasprave predložila je da iskoriste ovu priliku kako bi svi zajedno konkretno razgovarali o predloženom zakonskom tekstu, odnosno o njegovim dobrim stranama, kao i njegovim slabostima, te da u svojim raspravama budu koncizni i da se usredoče samo na predloženi tekst izmjena i dopuna Zakona, koji predstavlja predmet ove javne rasprave, kao i da prilikom predlaganja izmjena i dopuna pojedinih članova Prijedloga zakona isti budu napravljeni u formi amandmana, s preciznom formulacijom onih dijelova teksta čija se izmjena predlaže, te jasnim obrazloženjem predlagane izmjene ili dopune.

Sve predlagače tokom ove javne rasprave zamolila je da svoje prijedloge i materijale podnesene tokom njenog održavanja, Komisiji dostave u pisanoj formi.

Zaključila je da će Komisija, po završetku Javne rasprave, napraviti jedan sveobuhvatan izvještaj, koji će u sebi sadržavati zaključke i rezultate Javne rasprave, a koji će verificirati na svojoj prvoj sjednici nakon njenog održavanja. Navedeni izvještaj sa zaključcima, zajedno s transkriptom s Javne rasprave, Komisija će nakon toga dostaviti Kolegiju Predstavničkog doma Parlamentarne skupštine BiH.

U diskusiji tokom Javne rasprave učestvovali su:

- Bojan Bajić, „COD Luna“,
- Šemsudin Mehmedović, poslanik u Predstavničkom domu Parlamentarne skupštine BiH,

- Igor Marić, „Udruženje građana Tender“,
- Vehid Šehić, „Forum Građana Tuzle“
- Srđan Blagovčanin, „Transparency International“
- Milica Dalagija, „Kyodo CDC“,
- Christian Haupt, „USAID-ov Projekat jačanja parlamenata u BiH“,
- Richard Wood, EUSR,
- Beriz Belkić, član Komisije i poslanik u Predstavničkom domu Parlamentarne skupštine BiH,
- Earnian Naughtone, Misija OSCE-a u BiH i
- Dušanka Majkić, predsjedavajuća Komisije i poslanica u Predstavničkom domu Parlamentarne skupštine BiH.

U skladu s članom 115. Poslovnika Predstavničkog doma, svoje prijedloge izmjena pojedinih članova Prijedloga zakona podnijeli su sljedeći učesnici Javne rasprave:

- COD Luna“,
- Šemsudin Mehmedović, poslanik u Predstavničkom domu Parlamentarne skupštine BiH,
- „Udruženje građana Tender“,
- „Transparency International“
- Kyodo CDC“ i
- EUSR.

Svi materijali podneseni tokom i nakon održavanja Javne rasprave dostavljeni su u prilogu ovog izvještaja i njegov su sastavni dio.

Po završetku Javne rasprave sačinjen je neautorizirani transkript koji je, također, sastavni dio ovog izvještaja.

Komisija za izbor i praćenje rada Agencije za prevenciju korupcije i koordinaciju borbe protiv korupcije je zatim, na svojoj 10. sjednici, održanoj 20. 3. 2013., razmatrala Izvještaj s Javne rasprave o izmjenama i dopunama Zakona o Agenciji za prevenciju korupcije i koordinaciju borbe protiv korupcije (u daljnjem tekstu: Izvještaj).

Tokom ove sjednice Komisija je, u sveobuhvatnoj raspravi, razmotrila sve prijedloge izmjena pojedinih članova Prijedloga zakona, koje su tokom Javne rasprave podnijeli njeni učesnici.

**Nakon toga, Komisija je jednoglasno usvojila sljedeće prijedloge za izmjenu Prijedloga zakona u amandmanskoj formi, kako slijedi:**

#### *AMANDMAN I.*

*U članu 1. stav (1) Prijedloga zakona o izmjenama i dopunama Zakona o Agenciji za prevenciju korupcije i koordinaciji borbe protiv korupcije (u daljnjem tekstu: Prijedlog zakona), koji se odnosi na član 7. stav (1) tačka d) Zakona o Agenciji za prevenciju korupcije i koordinaciji borbe protiv korupcije (u daljnjem tekstu: Zakon), briše se.*

#### *AMANDMAN II.*

*Član 3. Prijedloga zakona briše se.*

#### *AMANDMAN III.*

*U članu 5. Prijedloga zakona, koji se odnosi na novi član 17. c) Zakona u stavu (1) u tački d) riječi: „osim saobraćajnih prekršaja“ zamjenjuju se riječima: „osim za krivična djela iz oblasti sigurnosti saobraćaja“.*

#### *AMANDMAN IV.*

*U članu 6., stav (1) Prijedloga zakona, koji se odnosi na član 18. stav (1), u tački a) riječi: „i nadzire“ brišu se.*

#### *AMANDMAN V.*

*U članu 6. stav (2) Prijedloga zakona, koji se odnosi na član 18. stav (2) Zakona, briše se, a umjesto njega dodaje se novi stav (2), koji glasi:*

*„U istom članu u stavu (2) iza tačke dodaju se sljedeće rečenice: „Za potrebe praćenja, Komisija može da zatraži posebne izvještaje. Agencija podnosi izvještaje Komisiji u skladu s propisima o zaštiti ličnih i tajnih podataka, o aktivnostima iz djelokruga u nadležnosti Agencije.““*

**Nakon toga, Komisija je, također jednoglasno, prihvatila ovaj izvještaj sa usvojenim prijedlozima za izmjene i dopune Prijedloga zakona, proizašlim iz Javne rasprave.**


**Komisija je zatim jednoglasno odlučila da:**

- 1. izmjene i dopune Prijedloga zakona koje je usvojila u amandmanskoj formi dostavi Ustavnopravnoj komisiji Predstavničkog doma, kao nadležnoj komisiji za razmatranje Prijedloga zakona, te*

2. *usvojeni Izvještaj, zajedno s neautoriziranim transkriptom s Javne rasprave i svim prijedlozima izmjena i dopuna pojedinih članova Prijedloga zakona iznesenim tokom Javne rasprave, dostavi Kolegiju Predstavničkog doma Parlamentarne skupštine BiH.*

PREDSJEDAVAJUĆA KOMISIJE

Dušanka Majkić



**Prilog:**

- neautorizirani transkript s Javne rasprave;
- prijedlozi izmjena i dopuna pojedinih članova Prijedloga zakona izneseni tokom Javne rasprave.

**Dostavljeno:**

- naslovu
- a/a